

Khetha Bophelo



SABATHA MANTSIBOEA

Bakeng Sa Thuto ea Beke ena Bala: *Gen. 2:8, 9; Baro. 6:23; 1 Johanne 5:12; Deut. 30:1–20; Baro. 10:6–10; Deut. 4:19; Tsen. 14:6–12.*

Temana ea Khopolo: “Kajeno, ke bitsa leholimo le lefatše hore e be lipaki ho lona, ke beile pela hao bophelo le lefu, lehlohonolo le thohako, ikhethelhe bophelo, u tle u phele, uena le litlohloana tsa hao.” (*Deuteronomy 30:19*).

Kamehla ke pale e bohloko: mona, motho e mocha, mosali ea lilemo li 22, a fumanoa a e na le lefu le bolaeang. Hlala ea boko. Bohlale bo makatsang ba mehlang ena ba lingaka, bo sitoa ho etsa letho, ntle le ho lelefatsa bohloko ba hae ho fihlela motsotso o sa qobeheng. Empa mosalinyana enoa “Sandi” o ne a sa batle ho shoa.

Ka hona, a ba le leqheka. Kamora hore a shoe, hlooho ea hae e n’ e tla bolokoa ka hara sehatsetsi se hoamisang, ka hara lebokose la mokeli-keli oa naetrojene, ka tšepo ea ho boloka lisele tsa boko ba hae. ’Me bo ne bo tla lula kamoo lemo tse 50, tse 100, tse sekete, ho fihlela neng neng bokamoseong mohlang thekenoloji e ntlafetseng ho lekana, e be boko ba hae, bo nang le methatsoana ea boko, bo kengoa ka komporong. E be joale, sandy a ka “tsoelapele ho phela” mohlomong ka ho sa feleng.

Pale e bohloko, eseng feela hoba motho e mocha a ne a tlo shoa, empa ka baka la moo a behang tšepo ea hae ea bophelo teng. Joaloka ka batho ba bangata, Sandy o ne a batla bophelo, o ne a batla ho phela. Empa a khetha tsela eo, qetellong, e ke keng ea sebetsa.

Bekeng ena, ha re ntse re tsoela pele ka Deuteronomy, re tla shebanang le khetho ea bophelo, empa ho bo khetha ka liphelelo tseo Molimo, Mofani le mots'oari oa bophelo, a faneng ka tsona ka mohau.

**Ithute Thuto ea Beke ena Ho Lokisetsa Sabatha sa la, 20 Pulungoane.*

Sefate sa Bophelo

Ha ho le ea mong oa rona ea kopileng ho ba mona, kapa u kopile? Ha rea khetha ho phela joalokaha re sa ka ra ikhethela moo re tlang ho phela teng kapa ra ikhethela batsoali ba rona.

Ho bile joalo le ka Adama le Eva. Ha ba ea ka ba khetha ho boptjoe ke Molimo, hantle joalokaha le lekhasi, lejoe kapa thaba li sa ikhethetele. Re le batho ha rea fuoa ho ba teng feela, (lefika le teng) eseng bophelo feela, (hloea e na le bophelo) empa rona, re na le bophelo, joaloka libopuo tse entsoeng ka setšoantšo sa Molimo, tse nang le kelello.

Empa ha rea khetha ho phela re le libopuo tse nang le kelello tse entsoeng ka setšoantšo sa Molimo. Seo Molimo a re fang sona, leha ho le joalo, ke khetho ea ho lula re le teng; ke hore, ho khetha ho ba le bophelo, bophelo bo sa feleng, ho eena, eleng seo re ka bang le sona ka baka la Jesu le lefu la hae sefapanong.

Bala **Genese 2:8, 9, 15–17 le Genese 3:22, 23. Ke khetho life tse peli tseo Molimo a ileng a li fa Adama malebana le boteng ba hae?**

“Hare ho Edene, ho ne ho metse sefate sa bophelo, seo tholoana ea sona e neng e na le matla a ho phelisa. Ebang Adama a ile a mamela Molimo, a ka be a ile a tsoela pele ka ho natefeloa ke ho itjella sefate sena, ’me a ka be a ile a phela ka ho sa feleng. Empa ha a etsa sebe, o ile a thibelo ho ja sefate seo, eaba o qalella ho shoa. Kahlolo e halalelang, ‘U leroele, ’me u tla khutlela lerōleng,’ ene bontša pheliso ea bophelo e feletseng.”—Ellen G. White, *The Great Controversy*, Leq. 532, 533.

Ka hona, e sa le qalong, Bible e re fa e ’ngoe ea khetho tse peli: bophelo bo sa feleng, eleng seo re neng re etselitsoe ho ba le sona, le lefu la ka ho sa feleng, seo ka mantsoe a mang eleng ho khutlela ho se beng letho, leo re tsoang ho lona.

Ho’a thahasellisa, hape, kamoo “sefate sa bophelo,” seo Mangolo a reng se fana ka bophelo bo sa feleng, se hlahang khetlo la pele bukeng ea pele ea Bible, se boela se hlaha bukeng ea ho qetela. Bala Tšenolo 2:7 le Tšenolo 22:2, 14. Mohlomong molaetsa ke hore, leha re ne re tlameha ho ba le kabelo sefateng sa bophelo, re lahlehetsoe ke monyetla oo ka baka la sebe; joale, qetellong, hang hoba bothata ba sebe bo fele, re leboha Jesu le leano la topollo, balopolloa, ba khethang bophelo, ba tla ba le kabelo sefateng sa bophelo joalokaha ho ne ho lokela ho ba joalo qalong.

Nahana ka eona: Ka khetho tsa rona tsa letsatsi le letsatsi, ke joang re khethang lefu kapa bophelo?

Ha Hona ea Lipakeng

Ka Bibeleng eohle, re fuoa, e 'ngoe ea khetho tse peli. Mona re fuoa khetho tse peli.

Bala litemana tse latelang. Ke khetho life tse peli, tse fanoang ka ho hlaka kapa ka tsela e ipatileng, 'me tsona li fanoa joang?

Johanne 3:16 _____

Gen. 7:22, 23 _____

Baro. 6:23 _____

Baro. 8:6 _____

1 Johanne 5:12 _____

Matt. 7:24–27 _____

Qetellong, ha hona sebaka se libakeng bakeng sa rona batho. Pele toantšano e kholo e fela, sebe, satane, bokhopo, ho se mamele, le borabele li tla felisoa. Ka mora hore seo se etsahale, e mong le e mong oa rona, ka bo mong, o tlabo le bophelo, bophelo bo sa feleng, boo Molimo a neng a re reretse bona pele ho tlholeho ea lefatše, kapa re tla tobana le lefu la ka ho sa feleng, ke hore, “timelo ea ka ho sa feleng, re tlosoe pela Morena le pela khanya ea matla a hae” (*2 Thess. 1:9*). Bibeletse ha e bonahale e tliša khetho e ngoe ntle le tsena.

Ke timelo efe e tlang ho ba ea rona? Karabo eo, qetellong, e sallana le rona. Re na le khetho ka pela rona, lefu kapa bophelo.

Ha re buoa ka bophelo bo sa feleng kapa lefu la ka ho sa feleng, ke hobaneng ha 'nete ea Bibeletse ea hore lihele ha li tuki leho chesa batho ka ho sa feleng ele 'nete e khothatsang? See se ne se tla reng ka semelo sa Molimo ebang tlhokofatso ea ka ho sa feleng e ne e le timelo ea ba babe?

Bophelo le Botle, Bobe le Bokhopo, Tlhohonolofatso le Thohako

Ho ea qetellong ea buka ea Deuteronoma, kamora puo e telele e malebana le se tla etsahala ka sechaba ebang se sa mamele Jehova, 'me se tlola litaelo tsa hae tsa selekane, Deuteronoma 30 e qala ka tšepiso ea hore leha ba ka oela ho se mameleng, eaba ba otloa ka ho isoa khohong, Molimo o tla qetella a ba khutliselitse naheng ea bona.

Ke hore, ebang ba sokoloha ba furalla litsela tsa bona tsse mpe.

Bala Deut 30:15–20. Khetho tse fuoang Iserael ea Khale moo ke life, 'me tsona li bontša seo re se boneng Bibeleng eohle, joang?

Jehova o hlakile: Eena, Yahweh, o behile ka pela bona, e 'ngoe ea khetho tse peli, haele hantle, seo a ileng a se etsa ho Adama le Eva Edeneng. E bile, mantsoe a Seheberu a bakeng sa “botle” (*tov*) le “bobe” (*ra*) ho Deuteronoma 30:15 ke mantsoe a tšoanang a Seheberu a sebelisoang ho Genese bakeng sa sefate sa tsebo ea “botle” (*tov*) le “bobe” (*ra*). Mona, hantle joaloka Bibeleng eohle, ha ho na se lipakeng, ha hona ho ema terateng. Ke hore, ba khetha ho sebeletsa Jehova e be ba ba le bophelo, ka ba tla khetha lefu. Ho joalo le ho rona.

Bophelo, boiketlo, tlhohonolofatso, papisong le eng? Lefu, bokhopo le thohako. Qetellong, leha hole joalo, motho aka etsa khang ea hore Molimo o fana ka botle feela, bophelo feela, le litlhohonolofatso. Empa ebang ba mo furalla, ntho tsena tse mpe e tla ba litla-morao tsa tlhaho, hobane ha ba sa na tšireletso ea hae e ikhethang.

Leha re e utloisisa, batho ba fuoa khetho tsena. Hape ho hlakile, bonnete ba bolokolohi ba boikhethelo ba bona, khetho tseo ba li etsang ka bolokolohi. Litemana tsena, 'moho le tse ngata ka Bibeleng, Testamente e Ncha le ea Khale, ha li utloahale ntle le mpho e tlotlehang ea khetho, ho ikhethela ka bolokolohi.

Ha e le hantle, Morena o ile a re ho bona: *bonang mona, ka mpho ea bolokolohi ba ho khethela eo ke le fileng eona—khetha bophelo, khetha tlhohonolofatso, khetha botle, eseng lefu, bobe, le thohako.*

Ho bonahala ho hlakile hore na mpho e nepahetseng e tla ba eng, haho joalo? Empa, re tseba se etsahetseng. Toantšano e kholo e ne phela nakong eo, joaloka kajeno, 'me re flameha ho ithuta mehlaleng ea Baiseraele hore na ho etsahalang ebang re sa inehele ho Morena ka botlalo, 'me re khetho bophelo le sohle se fuperoeng ke khetho eo.

Bala Deuteronoma 30:20. Hlokomela nyallano ea lerato le ho mamela mona, Iseraele o flameha ho etsang hore a tšepahalle Jehova? Ke joang motheo o tšoanang o sebetsang le ho rona kajeno?

Ha ho Boima Ho Uena

Deuteronoma 30 e bula ka Jehova ea bolellang se tla etsahala ebang batho ba sokoloha ba furalla tsela tsa bona tse mpe. Ke litšepiso life tseo ba ileng ba boela ba li fuoa hape!

Bala Deuteronoma 30:1–10. Litšepiso tseo ba li fuoeng ke Molimo ke life, hape ho sa natsoe taba ea hore sena se buoa ka se tlang ho etsahala ho bona ebang ba sa mamele? See se re rutang ka mohau oa Molimo?

Sena se tlameha ne se kothatsa. Empa, taba e n’e se hore ha hona taba hore na ba furalla seo Morena a ba laetseng ho se boloka. Morena h’a fe mang kapa mang mohau o chipi. Haeba hona le eng kapa eng, e tlameha hore e ile ea ba bontša lerato la Molimo, ’me ka hona, e le karabo, ba tla mo rata le bona, ba bontše lerato la bona ka ho mamela seo a ba laetseng ho se boloka.

Bala Deuteronoma 30:11–14. Morena o reng ho bona moo? Tšepiso ea mantlha ke efe litemaneng tsee, ’me tse ling tsa litemana tsa Testamente e Ncha tseo u ka li nahanang tse bontšang tšepiso e tšoanang ke life?

Ka puo ena e ntle, e utloahalang haholo, sheba boipiletso mona. Jehova ha a ba kope ho etsa ntho e thata hoo ba kekeng ba e etsa. Molao oa Molimo “ha o thata” ebile ha se “sephiri” seo ba ke keng ba se utloisisa. Kapa ho ba ntho’eo ba ke keng ba e fihlela. Ha e leholimong koana, moo e leng hole hoo motho e mong a tlamehang ho ba tlele le eona; ebile ha e ka mose ho maoatle, moo ba tlamehang ho e tliisetsoa. Empa Jehova o re: “Empa Lentsoe le haufi-ufi le uena, le molomong oa hao, le ka pelong ea hao, hore u etse ka lona.” (*Deut. 30:14*). Ke hore, o le tseba ho lekana hore o ka le buoa, hape le ka pelong ea hao, joale, u tseba seo u tlamehang ho se etsa. Ka hona, ha hona lebaka la ho se mamele. “Litaelo tsohle tsa hae lia etseha.”—Ellen G. White, *Christ's Object Lessons*, Leq. 333.

Haele hantle, Moapostola Paulosi o qotsa tse ling tsa litemana tsena maemong a pholoso ka Kreste; ke hore, Paulosi o buoa ka tsona e le mohlala oa ho lokafatsoa ka tumelo. (*Sheba Baro. 10:6–10*.)

’Me joale, kamora litemana tsena tse ho Deuteronoma, bana ba Iseraele b’a bolelloa hore, e, khetha bophelo kapa lefu, tlohonolofatso kapa thohako. ’Me haeba, ka mohau kapa ka tumelo, ba khetha bophelo, ba tla bo fumana.

Taba ea Khumamelo

Khubung ea selekane pakeng tsa Jehova le Iseraele e n'e le khumamelo. Se neng se ba khetholla lichabeng tse ling tsa lefatše e n'e le hore ke sona fela sechaba se khumamelang Molimo oa 'nete, ho e na le melingoana ea bohata e neng e rapeloa ke bahetene, eo e neng e se melimo ho hang. ““Talimang joale hobane ke 'Na, e, ke 'Na' feela, ha ho e mong kantle ho 'Na” (Deut. 32:39).

Bala Deuteronomya 4:19, Deut 8:19, Deut 11:16, le Deut 30:17. Temoso e tšoanang litemaneng tsee ke efe? Ke hobaneng ha temoso ee e le bohlokoa sechabeng sa Iseraele?

Likete-kete tsa lilemo tse fetileng, joaloka ka kajeno, batho ba Molimo ba phetse tlasa tikoloho le meetlo tseo, hangata, li neng li e na le lintho tse hohlanang le tumelo ea bona. Ka hona, batho ba Molimo ba tlameha ho lula ba le seli, esere mohlaope tsela tsa lefatše, litšoaantšo tsa lona le “meligoana” e se be khubu ea khumamelo ea bona le bona.

Molimo oa rona “o oa boulela” (Deut. 4:24, Deut. 5:9, Deut. 6:15), 'me eena feela, joaloka 'Mopi le mopholosi oa rona, o lokeloa ke khumamelo. Hona mona hape, ha hona sebaka se lipakeng: ke hore re khumamela Jehova, ea tlisang bophelo, botle, le tlhohonolofatso, kapa re khetha molingoana ofe kapa ofe, o tlisang, bobbe, lithohako le lefu.

Bala Tšenolo 13:1–15 'me u tsepamise maikutlo tabeng ea kamoo khumamelo e hlalisoang kateng mona. E be u bapisa litemana tseo le Tšenolo 14:6–12. Ke sefe se etsahalang moo ho Tšenolo se bontšang temoso e fanoeng ho Deuteronomya (le Mangolong ohle) mabapi le khumamelo ea bohata?

Leha e ba maemo a ka fapana hakaalo, taba e ea tšoana: Na batho ba tla khumamela Molimo oa 'nete 'me ba be le bophelo, kapa ba tla inehela litšusumetsong, ebang ke tse bonahalang, tse ipatileng kapa ka bobeli, ho lesa ho mo tšepahalla 'me ba tobane le lefu? Qetellong, karabo e fumanoa ka pelong ea motho ka mong. Molimo h'a ka a qobella Iseraele oa khale ho mo latela, le rona a ka se re qobelle. Joalokaha re bona ho Tšenolo 13, likhoka ke se tlang ho sebelisoa ke sebata le setšoaantšo sa sona li tlang ho li sebelisa. Empa Molimo eena, o sebetsa ka lerato.

Ke joang re ka etsang bonnete ba hore, leha liteko li sa bonahale, ka hanyane ka hanyane, ha re nyahlatse botšepahi ba rona ho Jesu ho ea melingoaneng e meng?

Ho Ithuta ka Botebo: Joaloka hona joale, kaofela re fuoe khetho. Lentsoe la bohlokoa mona ke khetho. Ho fapana le kutloisiso e itseng ea Bokreste, e reng, le pele lefatše le theoa, Molimo o khethetse batho ba itseng, eseng feela ho shoa, empa ho cha lihlang ka ho sa feleng, mangolo a re ruta hore, khetho tsa rona tseo re li etsang ka bolokolohi tsa lefu kapa bophelo, tlhohonolofatso kapa thohako, botle kapa bobbe, ke tsona tse laolang hore na re nka tsela efe bophelong (bophelo, botle, tlhohonolofatso—kapa lefu, bobbe, thohako) qetellong re tla tobana le tsona. 'Me ho monate ha kakang ho tseba hore leha motho a etsa khetho e fosahetseng, litholoana ke lefu, lefu la ka ho sa feleng, eseng ho hlokofala ka ho sa feleng mollong o sa timeng.

“Moputso oa sebe ke lefu; empa mpho ea Molimo ke bophelo bo sa feleng ka Jesu Krete Morena oa rona.” Baroma 6:23. Ha bophelo e le lefa la balokileng, lefu ke karolo e tla fumanoa ke baetsalibe. Moshe o ile a phalletsa Iseraele: ‘Lemoha, kajeno ke beile pela hao, bophelo le molemo, lefu le bophelo’ Deuteronomo 30:15. Lefu leo ho buuoang ka lona mona ha se le ileng la bolelloa Adama, leo ka lona bohle ba fetang hara lona ka baka la tlolo ea hae. Ke “lefu la bobeli” le behoang papisong le bophelo bo sa feleng.”—Ellen G. White, *The Great Controversy*, Leq. 544.

Lipotso tsa ho Qoqa:

- ① Ka sehlopheng, buisanang haholo ka taba e hlalileng thutong ea Labobeli, ea hore na ke Molimo ea tlisang kotlo mona kapa hore na e tla e le se kang-litholoana tsa ho tlola molao. Kapa ke tsona li le peli? Kapa hona le maemo ao eleng e 'ngoe ea tsona? Re utloisisa sehlooho see joang?
- ② Ke sefe seo litemana tseo re li boneng qotsulong ea Ellen White e kaholimo li re ruta'ng ka matla a Molimo ao re nang le oona hore re hlole sebe?
- ③ Bala Baroma 10:1–10, moo Paulosi a qotsang bukeng ea Deuteronomo 30:11–14 ha a hlalosa ho pholoso ka tumelo ho Jesu ho e na le ho batla ho loka molaong. U nahana ke hobaneng a qotsa litemana tsee tsa Deuteronomo? Tsepamisa maikutlo ho Baroma 10:10: “Hobane motho o lumela ka pelo ho beoa ea lokileng, 'me o bolela ka molomo hore a bolokehe”. Ke ntlha efe e etsoang ke Paulosi moo?
- ④ Tse ling tsa litsela tseo moetlo oa hao, sechaba sa heno, leloko la heno, li ka itsoarellang kutloisisong tseo, ebang u se seli, li ka u kenya borapeling ba bohata.